



21
Bl. 89



SACRA NVPTIALIA

Illustrissimi, ac Magnifici

DOMINI, DOMINI

JOANNIS CAROLI

L. B. de

HELLEMBACH,

Dynastæ Hæreditarii in Patzola &c.

SPONSI FELICISSIMI

Cum

Illustri, ac Splendidissima

VIRGINE

SVSANNA,

Speſtabilis quondam ac Generoſi

DOMINI, DOMINI

JOANNIS SEMBERI

De Felsò Szud,

Dominiorum Cameratico-Montanorum Præfecti &c.

FILIA LECTISSIMA

SPONSA DESIDERATISSIMA

A. R. S.

M. DCC. XLIII. die XIX. Februarii

VETERESOLII

celebrata,

leta mente recolunt

Dionysius & Michael Radvanzky

fratres.



POSONII,

Typis Hæredum Royerianorum 1743.





Confedere Dii, *Mauors*, & *Apollo*, *Venusque*
Quisque iubens **CAROLUM**, vult sua castra sequi.
Suadeo, castra sequi, *Mars* fatur: *Martia* virtus
Militibus semper præmia larga tulit.
Classica nunc resonant *Mauortis*, prælia poscunt,
Belligeræ gentes, signa mouere iubent.
Terra madet, multo profuso sanguine, tetra,
Vltrices poscit perfidiæque manus.
Gallica gens, astuta magis, quam fortis in armis,
Territat, & strepitat, bella cruenta parat.
Fortis adest *Pannon*, redit in præcordia virtus,
Incipit & cineres condecorare patrum.
Strictos nil metuit gladios, & adire pericla,
Hostes impellit frangere, gentis honor.
Hic animis opus est validis, hic pectore firmo,
Occupet haud mortis pallidus ora metus.
Ast, vbi fata vetant aciem perrumpere fortem,
Adfuit, vt celeri, sic fugit, ille, pede.
Hic **CAROLVS** documenta dedit, quem bellica iam iam
Testantur fortem facta fuisse virum.

Hæc tacitus secum diuinus *Apollo* volutans,
Ad *Musas* **CAROLVM**, sic reuocare studet:
Gentis honos meritis, *Musis* primordia debet,
Has coluisse diu, gloria gentis erit.
Præmia nec renuunt gnauis cultoribus ampla,
Et faciunt clarum, qui fuit ante nihil.

Nasci-

Nascitur augustum, de augusto stemmate, nomen,
Dum tradunt chartis, fortia gesta virum.
Fama perennabit, semper mansura, per orbem;
Nam nunquam poterunt hæc monumenta mori.
Se CAROLVS pridem totum sacrauerat istis;
Non decet inceptas deseruisse vias.

Vix potuit *Phœbus* supremum imponere finem,
Incipit alma *Venus* talia verba loqui:
Si pugnare cupis, victor, victricibus armis,
Hic, generose heros, suauia castra patent.
Hostis, ibi, tanquam rupes immota resistit,
Nobilis heic virtus peruia cuncta facit.
Corporis, ac animi non desunt otia grata,
Nullus adest lacrimis, tristitiæque locus.

Talia dum CAROLVS secum sub mente reuoluit,
Otia sponte sua, plena labore, legit.
Nulla mali formido potest subuertere cœpta,
Quodque malum est aliis, dicit, id esse bonum.
Non solet esse malum, dum fit selectio mente:
Quid? *Veneris* natam non licet esse malam!


Siccine, fert animus, mutatis passibus ire,
Et placida, lassò corpore, pace frui?
Judicium rectum TIBI currit tramite recto,
Omnia, quæ quæris, cara SVSANNA dabit.
Hic simul est, quod sola simul fert virgo cupita,
Vt pia sit, prudens, pulchra, pudica, potens.
Felix, qui potuit tantam comprehendere prædam,
Nec subiit vitæ magna pericla suæ!
TVque SVSANNA! capis virtutis præmia castæ,
Cui CAROLVS pulcher, gaudia mille dabit.

Læta dies hilares animo iubet edere plausus,
Carmina lætitiæ dent noua signa suæ!

Perpetuo teneræ iunguntur foedere dextræ,
Et subeunt casti, gaudia blanda, tori.
Nomina nunc coalent CAROLI, dulcisque SVSANNÆ,
Stirpis & HELLEMBACH, SEMBERIAEque do-
mus.

Innumeris, TIBI, Sponfa, procis fortuna fauebat,
Ast, CAROLO bello, bella SVSANNA manet.
Crescite nunc hilares, crescat concordia concors,
VOS Deus omnigena prosperitate beet.
Nascatur clarum, claro de germine, germen,
Perpetuo germen, germinet hocce nouum.

*Semper Apollo placens. Expertus, dicit, sodes,
Martis, vel Veneris, quæ mage castra placent?*



Ung VI 4

(x 2743293)



U 17
U 18





SACRA NVPTIALIA
Illustrissimi, ac Magnifici
 DOMINI, DOMINI
 JOANNIS CAROLI

L. B. de
 HELLEMBACH,
 Dynastæ Hæreditarii in Patzola &c.
 SPONSI FELICISSIMI

Cum
Illustri, ac Splendidissima
 VIRGINE
 SVSANNA,

Speçtabilis quondam ac Generosi
 DOMINI, DOMINI
 JOANNIS SEMBERI
 De Felsò Szud,
 Dominiorum Cameratico-Montanorum Præfecti &c.
 FILIA LECTISSIMA
 SPONSA DESIDERATISSIMA

A. R. S.
 M. DCC. XLIII. die XIX. Februarii
 VETERESOLII
 celebrata,
læta mente recolunt

Dionysius & Michael Radvanfzky
 fratres.



POSONII,
 Typis Hæredum Royerianorum 1743.

